

# UUT'T OLDE VODDEN

ederéne hier dee wét toch wel,  
Doorveur buj gin bétweter  
In febrewarie, soms kolt en fel  
Dóorin vólt Sinte Peter.

Noa drie wakke dan ist zo wiet,  
Ut steet in d'oldste annalen:  
Den tweeëntwintugsten is te tied  
Um de pach te goan betalen!

't Is neet dat tat iets Voddens is.  
Ut geldt veur hele streken,  
Ai dat neet wet ist met oew mis,  
Dat wet toch alle lééken!

De huurn en de pachten bunt  
noew  
Wel een betjen an bande eleg,  
Vehogen van de huur van oew  
Doors al mennug woord över  
ezeg!

Huurders en pachters dee bunt  
Verreweg wel in de meerderheid,  
Dee zich eigenaar neumen kunt  
Das doorneüs nog moor een  
kleinugheid!

Sinte Peter is dus van olds-her  
Een heel bezundre dag,  
Sommegun raakten hoas in de  
war  
Umdat hee zorgen brach!

Want vrögger was ut stomme  
geld  
Wel merakel slim betúün,  
Dran kommen koj met gin geweld  
Dat had heel wat te bedúün!

En ai tneet hebt, wat tan?  
Dan stóój der lilluk veur!  
Iej kónt ter vaste van op an  
Dat gif een slim gezeur!

De pach dee moj op tied betalen  
Dat is der Perzen wet!  
Woor iej ut geld vandan mot  
halen  
Door wodt neet op elet!

Zó was ut toé, noew feitluk nog,  
Moor noew ist groot op ezet!  
Wat vrögger een paar cent vemog  
Das noew hoas een bankbiljet!

Ut geld is neet vólle meer weerd  
Dat vinne wie toch wel slech!  
Toch maakt ut, zo ist ons eleerd  
Nog altied ut kromme rech!!

Met geld kuj nog wel wat  
vezetten.  
Ok ai hebt één of ander plan,  
Weé zal oew dat tan nog beletten  
Met geld dooj der vólle an!

Sinte Peter is ut dus: pach!  
En tis ok zo as ut heurt

tGeld wodt de huusheer dan  
ebrach  
Das altied al zo gebeurde!

Dèn dag bunt alle huurn in  
egoan!  
Sinte Peter brach ok wel kruuzen  
As zee dr us veur kwammen te  
stoan  
Dat ze een keer mossen vehuuzen!

Want hartjen winter ist dan nog!  
Um op dèn doatum te vetrekken  
Door bunt ze soms mooi met  
bekoch!  
Zee bliéft in de snee wel stekken!

Weer of gin weer tvehuuzen ging  
deur  
Uutstellen had gin enkle zin,  
Een nije huurder ston der al  
veur  
Dee mos ter meténe weer in!

Door kump tan nog bie  
Met Sinte Peter verandert ut  
wéer,  
Dee veurspelling is neet nie!  
tKump ok wel us uut een keer!

Der is een heel old gezegde,  
Sommegen hebt ter neet van  
trugge  
Moor gin mense dee t weerlegde:  
St Peter brékt- of lég de brugge!

Ast tut dee tied nattug weer is  
De parrepluu vake op mos  
Dan ist zeker en gewis:  
Met Sinte Peter kump de vos!

Moor had de winter óveral  
Bruggen van ies al an eleg  
Dan kriej een heel ander geval,  
St Peter deuj! 't ies smelt weg!

En as de boern vehuuzen mot  
En tweér is eur neet goed gezind  
Das een beklágens weerdug lot!  
Ze hangt zo af van weer en wind!

Zee hebt ok zo slim vólle grei!  
Biej alle boern is tat tgeval!  
tVee lóp tee tied neet in de wei  
Alles steet tan ummers op stal!

Van stal zó deur de koldugheid  
Is veurn koé vas gin plezier,  
Dat gif vake dan narugheid  
Tut soms wel roos ant gier!

Zee mot ok zo vólle vosvrie hol'n  
Doors heel wat met te  
prakkezeern  
As ze door met hén doon zol'n  
Kónnen ze zich lilluk bezeern!

Stel dat de mangels of knorrábies  
Wottels of eerpels, liéd van de

vos!  
De buurn zek tan: „Hee deut tneet  
wies  
Das toch der vee- en mensen kos!”

En rēgen kónt ze ok neet  
hemmen,  
Want wat is tan eur lot?  
tHeuj geet op te wagens  
zweimmen  
tGeet tan gewoon kapot!

Ok haver, rogge, neum moor op,  
tLöp över heel vólle schiēven,  
Ast nāt wodt ist een grote strop,  
tMot alles goed dreuge bliēven!

Nee, vehuuzen op een boerderieje  
Ast mot gebeurn bie winterdag  
Dat is ech gin leef-hebbe-rieje,  
Das pas mooi asutis volbrach!

Zee stoat gelukkig neet alléne  
De buurn dee komt tan helpen  
wel  
En je zólt ok wel us zeene  
Dat ut toor wodt een lollug stel!

As zon trópken bie mekare is  
Kónt ze toch neet altied treurn!  
Ze bliéft neet altied helemòól fris  
Hebt um de flesse zit'n zeurn!

Moor meestied wodt ut trop  
chollen  
Dat eers al ut werk mot kloor,  
Dán kump zo as zee dan wollen  
De flesse op toafel door!

Zó geet tan de olde pachter vot,  
Moor een niejen kump ter weer,  
Ergens geet ter wel ietsken kapot  
Ut deut toch een betjen zeer!

Dn olden deut met n niejen ok  
zaken  
Want ze mottallebeie goed wetten  
Bepróot alle ogen en ok haken,  
En goat tat op papier dan zetten!

Rogge is al ezaaid, tland emest  
tMos alles toch reilen en zeilen!  
Wee maait straks? en as lest  
Mot ze de oogst toch ok vedeilen!

Allicht dat ze ut zó doot:  
Den olden zal dubbel gasten  
pikken,  
Den niejen kan dus stoppelbloot  
Pas över al ut land beschikken!

Zo zeej dat noa Sinte Peter  
Nog wel wat te reglen blif!  
Moor de vuurn waarn wel us  
heeter  
Ze komt truu, dat gleuf moor  
grif!